


王焱
編

日本漢文學百家集

348



北京燕山出版社



王焱 主編

日本漢文學百家集
348



北京燕山出版社

第三四八册

三洲居士集 卷六至卷十一 長菴著 明治四十二年……一

三洲居士集

三洲居士集卷六

日田 長茨秋史 著

偶得慶應三年丁卯

燕二鶯二取次顛。夢中蝶夢使誰憐。櫻花雪後海
棠雨。又被春風誤一年。

春琴畫

春樹鳴禽午掩荆。落花幾片撲簾旌。睡餘閒讀農

經罷時有野人來問耕。

畊漁圖

不有湯文起。安教殘虐除。
磻溪與莘野。終合老畊漁。

常盤

兒在懷中母在囚。甘將弱質餒仇讎。
雪深壓折歲寒竹。不道無心學柏舟。

題京妓手續為野邨生。

蕭郎夢裏筆堪簪。徹骨風流罪亦甘。誤掬鴨頭春水綠。閒愁萬斛自難擔。

尤雨帶雲滿滉水。路花陌柳送還迎。粘泥飛絮元無意。化作浮萍總是情。

打起鴛鴦恨不禁。一般滋味四年心。自抽浪蕊浮花裏。誰識蓮心苦寂深。

千里何緣記夢同。誰教青鳥阻西東。相思不為戰塵隔。脉：靈犀一點通。

字二錦雲手跡新。往來懷袖暗傷神。粉痕淚點自難掩。分得餘香也惱人。

五月廿三日。白石橋園為其先人設薦會。客席上賦和歌題懷舊淚。

音容寂寞恨無那。夢裏春風容易過。唯有淚痕似前日。一番尋思一番多。

六月朔。邨田竹雨家雨集。得古字。

市上賣黃梅。留人十日雨。來續前宵歡。傘屐敲幽

戶。樹色隔市聲。苔氣冷亭午。新竹覆井秀。餘花當
軒吐。觀物欣所遇。含情慨有取。吟酌聊云樂。文仁
以相輔。四境少無烽。敵情猶難覩。浮雲魏闕深。虜
心頗見侮。諸君幹蠱材。遇事思尊主。矢言契素襟。
寸心自千古。

二日雨。小集聯珠樓。分韻得映字。賦似主人
時田蘆洲。

雨色罩遙帆。海光翳明鏡。雙島如雙珠。頽影淡相

映海城佳麗多。君家殊幽夔。身著朝參衣。家住松
沙淨。玲瓏養素廉。清虛助思政。客到難自俗。臨軒
發諷詠。君子或徒交。莫嫌頌規併。

醉歌

與汝同生杯裏酒。與汝同歿手中霜。醉歌浩二舞
長劍。不識何人在我旁。

靜而畫

撈蝦沽醉浩歌歸。不管人間有是非。十里長堤風

拂面却憐微雨灑莎衣。

自畫折枝

危塗幻境幾秋春。洗盡紛華見本真。却有愛花心到骨。夢中胡蝶是前身。

九月十二日。印藤氏小集得海字。

雞聲覺遠城。樹色疑無海。日澹野光同。秋寒山意改。事多詩絕交。病久酒凶悔。佳月又明宵。雅游莫嫌每。

九月十三夜。暗香堂集。得是字。

重陽佳節過。幽賞未能已。明月正如斯。世情姑舍
是。霜流衆樹風。雲落一池水。不怪冷詩腸。吸秋金
盞裏。

又得洗字

楓落菊衰見真秋。寥々天地以霜洗。月似美人瘦
多姿。秋如烈士清徹底。宸賞千年月與明。比之
中秋難為弟。

十四日。南浦泛舟。得何字。

瑟瑟羅紋。蹙細波。扁舟晚載。好詩過天。懸一雁夕。
陽澗水。蘸數峯秋色。多喪亂。偶然落塵土。鐵衣未
許換。煙蓑浩歌。鼓柁感身世。漁弟漁兄。奈汝何。
秋晚游時田蘆洲一宮邨莊。以歐公霜林落
後山爭出。野菊開時酒正濃。句為韻。
晚煙疎樹帶邨莊。九月黃雲未滌場。農父見星猶
歛獲。白生牛背有微霜。

霜寒未老菊花心。籬柵殘陽蟋蟀吟。松蘿如拳栝
如玉。一年風味在秋林。

半山紅葉露禪閣。時有疎鐘松上落。老衲家風自
學農。雜僧護稻逐羣雀。

畦邊紫芋露零時。籬下寒菘霜降後。住吉祠南第
二家。一旗疎柳賣秋酒。

詩社秋來幾往還。酒旗相喚也看山。偶然拈出坡
翁句。縹緲新居紫翠間。

秋透夕陽紅。柿明。那童日與黠鴉爭。老翁一夜和
霜摘。幾串青錢去入城。

秋味却。收芋栗。晚厨隔水孤煙出。老牛放在斷
橋邊。背上寒鴉啄晚日。

黃葉聲中訪吟社。斷橋西去入平野。流水栖鴉送
夕陽。拾詩人立寒林下。

野衲帚邊千片楓。那娃髻上一枝菊。人間秋色看
將殘。獨剩秋聲在寒竹。

糟牀滴。壓新醅。頭甕須迎邙祭開。門外曉風吹
海氣。早知蟹婦戴魚來。

世事無端入酒悲。秋高暗覺壯心馳。明朝小獵南
山路。正是豪豬肉美時。

絕無官吏急催租。時有野人來送酒。節過重陽風
露寒。幾家機杼隔衰柳。

今朝休沐足佳眠。樹影當窗午曦正。補柵治畦課
園丁。一園公事亦為政。